

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1291

原始資料: 蕭鎮國大德提供, 北美某大德提供

No. 1291

深沙大將儀軌

大興善寺三藏沙門大廣智不空奉 詔譯

爾時觀世音菩薩。在大眾會座中而起。五體投地禮佛雙足。而白佛言。我有一真言一印三使者真言廣大成就之法。願為利益安樂閻浮提諸善男子善女人故。惟願世尊哀愍聽許我今說之。真言曰。

那謨囉怛那(一)踰囉夜耶(二)那謨阿利耶婆嚧枳帝(三)踰侄他(四)闍曳闍曳(二合)闍夜(五)娑醯儻闍榆踰唎(六)迦囉迦囉麼囉麼囉者羅器拏(八)薩婆羯摩踰羅拏儻(九)迷婆底沙訶

誦此呪已惡業消滅。誦至七遍五逆罪滅。若滿千遍已罪無不滅。滿十萬遍面見觀音種種莊嚴者。七日之中初作法時。唯得食乳糜酥。最後一日勿食。十五日夜佛前念誦無定限數。見像掙出聲唱言。善哉善哉放光明曜。復以真珠寶物安呪師頂上。即知成驗。面見觀音已。得滿一切善願。又於睡眠中夢見觀音種種莊嚴者。一切善事成就。一切惡業消滅。真轉轉者得滅罪。

次說一印亦名利益眾生。以一印三十二及種種成辦。二手交背相。以二母指押二頭指為劍。以印使向虛空為天蓋。境界十方天上隨處成結界。向本尊為普供養。作法為普禮。後時為迴向。又為救發遣若欲降伏惡人者。作手印無二以瞋心誦一百八遍。一切外道所作滅 若人心病者加持黃土塗於心除差。

若人患頭病。土火。

若人患眼者。加持杏子之油塗除差。

若人患腫者。[米/曰]夫加持一百八遍塗除愈。

若人欲令遠去魔事。加持若木八遍其人遠去。

次使者三師二十八部總攝。

左手掌平向天上。以大指來去。

天上使者。費迦羅亦名淨滿。密語曰。

費迦羅翳醯[口*皿]娑嚧呵

二手合二地來去虛空使者。大仙亦名嚧斯密語曰。

悉儻也娑婆呵

二手向虛空。以二大來去下地使者。水火雷自在亦名大羅惹。密語曰。

唵闍曳闍曳娑嚩呵

此三種使者。能滅三災能滅三種執。能滅生生世世業障。生生世世。悉地成就。

又此三種使者無相爭。力頓生滅轉鉢結縛木合空鉢。

若人滿呪功者。乘空界為仙人。召集天龍藥叉鬼神等。任心發遣尤法力也。

阿迦陀密

一印千類千轉三使者成就法一卷

深沙大將菩薩儀軌要一首

運錄云。摩醯首羅法一卷 睿錄云。摩醯首羅天化生呪法一卷(無人名。三紙。策子說愛法降伏怨法病法又不論淨不淨)

。